



IZVJEŠTAJ O RADU UPRAVNOG ODBORA za 2015. GODINU

Samostalni sindikat radnika u BHRT-u primio je rješenje o registraciji od strane Ministarstva pravde BiH 26.02. 2015.

UO SSR u BHRT-u je od tada do 31.12. 2015.godine održao 12 redovnih i 4 vanredne sjednice.

Za potpredsjednike su imenovani: Svjetlana Topalić za prvu potpredsjednicu, Džemal Kahrica za drugog potpredsjednika. Elvis Čengiđ je imenovan za izvršnog sekretara.

UO je odlukom odobrio naknadu za telefon u iznosu od 25KM mjesečno za Smitala, Topalić, Kahricu i Čengiđća.

Za potrebe rada u Sindikatu ugovorom o djelu angažovani su: Amir Ribić (knjigovođa 200KM), Diša Karšić (blagajnik 150 KM), Advija Alimanović (tehnički sekretar 200 KM), Aida Sadžak (Web administrator 50 KM).

UO je za Pravnog zastupnika Samostalnog sindikata radnika u BHRT-u angažovao advokata Elmina Plećana sa kojim je zaključen Ugovor o poslovnoj saradnji a po angažmanu.

Izrađene su članske iskaznica sindikata.

Dizajnirana je nova WEB stranica Sindikata na kojoj se mogu naći svi akti i odluke Sindikata (www.bhrt-sindikata.ba)

Usvojeni su novi pravilnici: Pravilnik o dodjeli materijalne i finansijske pomoci (usvojen je obrazac/zahtjev za dodjelu materijalne i finansijske pomoći) i Pravilnik o pružanju pravne pomoci. Imenovane su i odgovarajuće komisije:

- Komisija za dodjelu materijalne i finansijske pomoći članovima u svrhu liječenja u sastavu: Nevenka Vrgoč - predsjednica, Goran Brkić, Mensud Grbo. Ugovorom o djelu u iznosu od 50 KM za rad u komisiji sindikata plaćeni su Nevenka Vrgoč i Mensud Grbo

- Komisija za pružanje pravne pomoći članovima u sastavu:

Minka Džihanić - predsjednica, Nihad Arnautović, Nermin Hodžić. Ugovorom o djelu u iznosu od 50 KM za rad u komisiji sindikata plaćena je Minka Džihanić (po potrebi).

UO nije usvojio Poslovnik o radu UO i Pravilnik o unutrašnjoj organizaciji sindikata.

Na press konferenciji, koju smo održali sa gospodinom Muhamedom Bakarevićem, generalnim direktorom BHRT-a, ukazali smo na konstantan pad naplate rtv takse i uputili zahtjev za formiranje Parlamentarne komisije za izmjenu Zakona o javnom RTV sistemu.

Delegacija UO je obišla sve IT Centre kako bi se upoznala sa problemima sa kojima se susreće članstvo u Banja Luci, Tuzli, Mostaru, Zenici i Bihaću.

U oktobru 2015. godine smo poslali kompletiranu dokumentaciju Vijeću ministara za potvrdu o reprezentivnosti sindikata u BHRT-u.

U svim podružnicama je završeno formiranje povjereništava.

U novembru mjesecu je, zbog aktuelne situacije u vezi finansiranja BHRT-a, donešena odluka o stalnom zasjedanju UO. Pružili smo podršku menadžmentu u zahtjevima za rješavanje naplate RTV takse.

U tom smislu, Upravni odbor je poslao pisma Parlamentu BiH, šefovima klubova u PSBiH, međunarodnim institucijama, ambasadama država članica PIK-a, OHR-u...

Obratili smo se za podršku brojnim kolegama u svim elektronskim i printanim medijima. Uspostavili smo kontakt sa Savezom Samostalnih sindikata BiH, koji nam je dao svoju podršku, ali saradnju koju tek trebamo definisati i razvijati u 2016.g.

UO je tokom godine preko svojih članova, kroz rad povjereništava Podružnica, oglašavanjem u RTV Domu, te putem mailova i web stranice informisao članstvo o svim aktivnostima Sindikata.

UO je obezbijedio razne pogodnosti za članove Sindikata, potpisivanjem ugovora u kojima su definisani određeni popusti, odnosno povoljnosti pri plaćanju usluga za naše članove.

Na osnovu Pravilnika o dodjeli materijalne i finansijske pomoći članovima u svrhu liječenja, UO je tokom 2015.godine donio odluke kojima je za potrebe liječenja u protekloj godini izdvojeno 14660 KM.

UO Sindikata je donio odluku o izdvajanju sredstava za pomoć svim članovima kojima BHRT u 2015-toj nije produžio ugovor o radu u ukupnom iznosu od 2.000,00 KM, a izdvojeno je i 800,00 KM za dodjelu pomoći spoljnim saradnicima koji nisu bili članovi Sindikata, a sa kojima BHRT nije produžio saradnju.

UO je donio odluku da se obezbijede sredstva za ispraćaj članova koji su penzionisani u toku 2015.godine, ukupno 3000 KM odnosno 150 KM po osobi.

Naš Sindikat na kraju 2015.godine broji preko 500 članova.

Sve aktivnosti Samostalnog sindikata radnika u BHRT-u možete pratiti na www.bhrt-sindikat.ba

UPRAVNI ODBOR
SAMOSTALNOG SINDIKATA RADNIKA U BHRT-u